

წყლის სისტემის რეაბილიტაციის შემდეგ ხანდაკელები წყალს უწყვეტად იღებენ

21 სექტემბერი 2017

კასპის მუნიციპალიტეტის სოფელ ზემო ხანდაკეში სასმელი წყლის სისტემის რეაბილიტაცია დასრულდა. სამუშაოები რეგიონში განსახორციელებელი პროექტების ფონდის (რეგ ფონდი) თანადაფინანსებით ჩატარდა. პროექტის ფარგლებში სასმელი წყლის მაგისტრალი წყალშემკრებ რეზერვუარს დაუკავშირდა, შედეგად 200 - ზე მეტ ოჯახს დღეისთვის წყალი უწყვეტად მიეწოდება. დასრულებული სამუშაოები შიდა ქართლის გუბერნატორმა კახა სამხარაძემ, მოადგილესთან სიმონ გულედიანთან და ადგილობრივი ხელისუფლების წარმომადგენლებთან ერთად დაათვალიერა. „სასმელი წყლის სისტემის რეაბილიტაციის გარდა, ზემო ხანდაკეში ჩატარდა გაზიფიცირების სამუშაოები, დაიქსელა სოფლის მთელი ტერიტორია. უახლოეს პერიოდში კი მიწებში აირი გაეშვება“ - აღნიშნა მხარის რწმუნებულმა. კახა სამხარაძემ ადგილობრივი ხელისუფლების წარმომადგენლებთან ერთად კასპის მუნიციპალიტეტში განხორციელებული სხვა ინფრასტრუქტურული პროექტებიც მოინახულა.